

sigui e paso di nan grandinan

GARANTIA DI GOBIERNO

el lo ta na Decembeer

ORANJESTAD(AAN)--

La Cabana ta un proyecto, cu a worde diseña y traha a base di un concepto diferente den industria di timesharing. La Cabana no ta simplemente un proyecto adicional den industria hotelero y du turismo na aruba, pero lo ofrece un serie di actividadnan nobo y recreacion na su clientenan.

Esaki a worde treci dilanti pa ruben Mansur, kende a muestra cu e actividadnan sin duda lo contribui na un continuo desaroyo di turismo na aruba.

La Cabana a bira un inversion di 42 Millon Florin den un proyecto, cu tin e obhetivo pa e bishitantenan sinti nan mes contento y sigur den un ambiente agradable.

Ta trata di un timesharing, condominium y hotel combina, cu ta corta cu 441 camber cu tur confort y conveniencia. Lo tin un

racquet club, squash club, y tennis club.

Ta e intencion pa na Juli di e aña aki por acomoda e promer huespednan y e confianza ta cu na December por inaugura henter e proyecto.

Cu orguyo Ruben Mansur a trece dilanti cu a logra financiamiento di e proyecto den circulonan financiero, sin cu tabata tin necesidad di haci ningun apelacion na instancianan gubernamental pa haya garantia. Palabranan di gratitud a bay na e institucionnan financiero.

Ruben Mansur a muestra cu e edificio di La Cabana mester keda como prueba firme cu e generacion nobo di empresarianan local di Aruba, tin e curashi y conviccion di sigui traha pa e pais, mescos cu nan grandinan a sa di haci den nan tempo bao circunstancianan mas dificil.



Ruben Mansur a gradici Richard Eman

ORANJESTAD(AAN)--

Durante e acto pa conmemora e hecho cu e edificio di La Cabana a alcanza su punto mas alto, Ruben Mansur a yama dilanti Ir. Richard Eman, cu a encarga su

mes cu tur detayes di diseño di mapa y detayenan complica di construccion na Aruba.

Ruben Mansur a expresa gratitud y elogio pa Richard Eman.

Tambe el a muestra cu e no por keda sin menciona number di Marcelo Irausquin, Buchi, kende a dedica su mes cu hopi entusiasmo na e proyecto y ta un di e hombernan di promer hora di La Cabana.

